



中國大事記



民國八年 八月 二十一日

●國會通過國務總理同意案……衆議院於本日議大總統提出特任段祺瑞爲國務總理咨請同意案。當用無記名投票法投票。以四百零七對四百十四之大多數通過。旋於二十三日提出參議院。亦以一百八十七對一百九十三之大多數通過。

●任命夏詒霆署外交次長

●奉吉軍擊敗巴匪……蒙匪巴布扎布。在突泉敗退後。自遼源

竄入梨樹。於本月十五日。攻佔郭家店。當由奉吉兩省軍隊。

聯合進攻。本日。將郭家店克復。蒙匪竄入南滿鐵路郭家店驛

停車場。勢甚窮蹙。經奉天軍事顧問日人菊池氏。出而調停。

准令巴匪就撫。退歸蒙古。並要求官軍於其退歸時勿加攻擊。

當於二十三日商議妥協。

32041

●日軍佔據奉天遼源……奉天督軍本日接日本關東都督照會。要求將四平街至遼源三十里內華軍撤退。交涉無效。不得已照

撤。日軍大隊旋即將我國兵營佔領。並在該地裝設電話電線。當由督軍電請外交部向駐京日使提出抗議。

同 二十三日

●湖北漢川縣防兵譁變……湖北第九師步兵第三十六團第一營。前駐宜都。現因剿匪移駐漢川。其三連一排兵士。因受人煽惑。突然譁變。戕殺排長。並謀佔城起事。經他連兵士攻撲。捕殺數名。餘均攜械潛逃。

同 二十四日

●山東昌樂軍民衝突……山東昌樂民軍。因逼該地鄉民繳稅不從。發兵攻擊。鄉民及民團。與之抵抗。互相戰鬪。人民被民軍焚殺者頗衆。當由該省當局設法阻止。

同 二十五日

●令薩鎮冰監視粵省軍隊撤退……令曰。粵省紛擾。前令薩鎮冰選調兵艦。駛往查辦。現在陸榮廷朱慶瀾先後蒞粵。兩方軍隊。應尅期一律撤退。分別交代。著薩鎮冰嚴重監視。據實呈

報。此令。

32042

●農商部廢止特准專辦區域年限例……農商部第三號布告。略

謂查吾國工業製品。前以未甚發達。是以對於此項工廠。稟請專辦區域年限者。酌核情形。量予批准。原為提倡實業一時權宜之計。惟箇人雖享有特權。而同業實蒙其影響。本保護維持之意。或適以啓專擅壟斷之端。且近年工業製造。日事講求。漸有起色。允宜統籌全局。誘掖獎進。期得其平。庶於實業進步。不致阻滯。嗣後關於工業製品。除有特別發明者准予照章呈請專利外。所有特准專辦區域年限之例。一律廢止。其已經呈准在先者。在批准年限以內。仍應繼續有效。以法制限而利進行。

●全國商會聯合會在京開會……全國商會聯合會本日本在京師總商會開會。內務總長農商次長及財政司法部委員均到會。聞其開會宗旨。注重裁釐加稅云。

●吉林中俄兵士衝突……吉林中俄兵士。因細故互相衝突。有俄兵二名。為我國軍士拘回。當經吉省督軍送還。駐吉俄領。遂向該省長官提起交涉。旋即和平解決。

同 二十六日

●山東周村民軍因司令勒令解散譁變……山東周村民軍總司令吳大洲所率軍隊。向有步兵四團。騎兵一團。其中多係鬍匪。自停戰議和後。恃功驕橫。五月間設法解散步兵兩團。騎兵漸就約束。其餘步兵兩團。益不自安。時相衝突。本日。吳大洲又將該兩團團長殺斃。並用武力強迫解散。遂在周村互相激戰。

被解散之軍隊戰敗。攜械遁出。於九月一日攻襲萊蕪縣。

同 二十八日

●奉吉匪擾……匪首金鼎臣李樹林姚子明等。聯合宗社黨。在奉天新民昌圖及吉林長春等處肆擾。勢頗猖獗。當由兩省分遣軍隊剿辦。

同 三十日

●特派塔旺布魯克扎勒丹巴達爾齋為宣撫使撫慰蒙民……令曰。自民國成立以來。五族一家。不分畛域。各蒙古王公等。亦皆深明大義。翊贊共和。邦國前途。實深嘉賴。本大總統德薄能鮮。忝膺重任。凡從前所定優待各族條件。暨待遇蒙古條例。繼續遵守。勿敢或渝。夙夜兢兢。惟以撫輯邊氓綏靜疆圉為急務。方冀各旗官民人等。安居樂業。同享昇平。乃近有不肖匪徒。聚眾滋事。奸淫擄掠。殘殺無辜。以致少壯死於鋒鏑。老弱轉於溝壑。流亡載道。良用惻然。茲特派塔旺布魯克扎勒丹巴達爾齋為宣撫使。撫慰蒙民。詢問疾苦。各旗官民人等。如有下情壅於上聞之處。儘可據實陳訴。由該使隨時入告。本大總統勤求民瘼。必當設法綏安。以慰各旗喁喁之望。著各該使立即分赴蒙疆。切實宣慰。其有未明近政。阻衆自衛者。併着酌量撫循。俾安生業。此令。

同 三十一日

●特派谷鍾秀兼充全國水利局總裁
●內務部撤籌備國會事務局……籌備國會事務局。因國會開會。

籌備事竣。本日由內務總長呈請撤局。

●文官甄用委員會休會……文官甄用委員會。因本屆交會甄用各員。業經審查完竣。並已將合格人員。擬定用途。造冊呈報。會務業經結束。本日。由委員長段祺瑞呈報休會。

●四川鎮城兵變……駐鎮城內邊軍一營。因索領欠餉未發。於本日突然譁變。經旅長陳遐齡所率留守兵隊擊退。

九月 一日

●國會通過全體國務員同意案……衆議院於本日提出政府咨送全體國務員同意案。由國務總理段祺瑞出席。說明追認唐紹儀爲外交總長。陳錦濤爲財政總長。程璧光爲海軍總長。孫洪伊爲內務總長。范源廉爲教育總長。許世英爲交通總長。谷鍾秀爲農商總長之理由。特請同意。其補任段祺瑞兼陸軍總長之咨文。於先一日到院。當用無記名法投票。投票者四百五十五人。全體閣員。均以大多數通過。於四日提出參議院。亦均通過。

●浙江省議會開會……浙江省議會常年會。於本日開會。

●農商部裁撤勸業委員會……農商部勸業委員會。於上年六月間設立。現農商總長谷鍾秀。以其近於駢枝。本日以部令裁撤。

●山東軍事結束……山東軍民長官。派遣代表與民軍司令吳大洲居正等。及當地士紳。在商埠商會。會議善後事宜。議定將民軍編爲軍隊。照章發餉。卽由會辦軍務曲同豐協同督軍省長委員。赴濰縣周村各屬點驗。著手編練。

同 三日

●派潘復前赴江蘇一帶會同官紳履勘運河情勢統籌疏濬事宜
●中日軍又在吉林朝陽坡發生衝突……蒙匪在郭家店受撫後。退歸蒙古。途經公主嶺附近朝陽坡。駐紮該地軍隊。因未奉通知。派隊邀擊。護送日軍出而干涉。我軍槍彈誤擊日本國旗。致互相攻擊。日軍當向吉林督軍提出交涉。吉林督軍即將朝陽坡軍隊撤退。日軍遂進佔其地。並通告新民府鄭家屯楊家城子農安縣以東之地。不准華蒙軍開戰。中國不得攻擊蒙軍。致使遁入此線以內。否則日本軍即取自由行動。

同 四日

●俄國干涉外蒙內政交涉……駐庫倫俄國領事。向外蒙政府聲稱。奉本國政府訓令。蒙古官吏。多數皆係喇嘛出身。致與文治派時起紛爭。有害俄蒙國民親睦。請蒙古政府罷免現居顯職之喇嘛僧。多任文治派代之。庫倫政府以此係蒙古內政。不受外人干涉。當即嚴詞拒絕。

同 五日

●國會憲法會議開會……參衆兩院組織憲法會議。討論憲法。於本日本在衆議院開會。卽將民國二年憲法起草委員會在天壇草定之憲法草案。由原起草委員草定理由說明書。連同原案。咨交憲法會議。逐項討論。至十三日說明終了。二十日開憲法審議會。

●特任唐繼堯暫兼代理雲南省長……任可澄因有諮詢事宜。令

即來京。

32044

同 六日

●陝西省各縣災令撥款賑濟……陝西督軍兼署省長陳樹藩。電稱本年夏間。渭河南北。蝗蟲發現。農田損失甚鉅。八月間。復據蒲城、渭南、富平、華縣、大荔、三原、韓城、郃陽、岐山、栒邑、永壽、鎮安、保安、鎮巴等十四縣。先後呈報被雹被水。擊斃人畜。冲毀田廬。尤以蒲、富、華、荔等縣。受災最重。現已分途履勘。趕籌急賑。籲懇酌賜賑恤。奉令。著由該省財政廳迅撥賑款二萬圓。並由本大總統捐銀五千圓。交由該省長遴委妥員核實散放。

●遼源日軍退出……自鄭家屯交涉發生。日本軍隊陸續調赴遼源。迭經我國當局據理交涉。始允撤退。本日。開始調回原駐地點。

同 八日

●內務部改變官制……內務部官制。經國務會議議決。暫行適用元年官制。於本日以部令改組。

●山西豐鎮兵變……山西豐鎮巡防隊。本日忽又譁變。肆行搶掠。次日。始向歸綏方面遁去。

同 九日

●京師航空學校開飛行機演習會……北京航空學校。本日在永定門外開會。演習飛行機。參觀者甚衆。

●駐京日使向外交部提出鄭家屯案要求條件……中日軍在鄭家

屯衝突一案。駐京日使於本月三日至外交部開始交涉。因我國派往奉天調查員王鴻年尚未返京。暫從緩議。本日。日使又至外交部提出要求條件。有謝罪、撫卹、處罰責任者、合辦警察、及東蒙南滿軍隊聘用日本顧問等多款。外交部以據調查員報告。豈非我開。即按條拒駁。

同 十日

●財政農商部與日商訂立借款條約……財政總長陳錦濤。農商總長谷鍾秀。向日商興亞公司借款五百萬圓。名為實業借款。利息六釐。並開議定由興亞公司擔任向六國銀行團商議大借款。俟大借款成立後。即將此款償還該公司。並以中日合辦安徽太平山湖南水口山兩礦為酬報。本日。由陳谷兩總長。與興亞公司代表水濱盛三本田親清。訂約簽字。即將該款交付。國會議員以此項合同不先交國會議決。有背約法。於十八日特開秘密會向政府質問。湘皖兩省。亦羣起反對。現正籌議廢約。

●廣東紛爭解決……廣東自滇粵軍啓釁後。屢起紛爭。近日滇桂軍軍隊先後撤退。新任廣東省長朱慶瀾。於前月二十三日抵省。二十五日接印。督軍陸榮廷。亦於前月十八日抵肇慶。本日。前督龍濟光。將督軍印交由朱省長轉交陸督軍。並收束軍隊。預備出省就督辦礦務職務。

●日本撤回駐粵軍艦……日本於前月下旬遣派軍艦到粵。現因食物缺乏。粵省並無亂事。撤回本國。

同 十二日

●德人要求漢口華景街警權……漢口華景街。與德租界毗連。自黨人暴動後。德人即要求擴充租界。當經拒絕。復要求於交界處築牆。隔絕交通。因商民反對未允。近日德領復向交涉員提議擬將華景街街面警權。讓與德國。華警但站守該街各里以內。臨街鋪戶警捐。仍歸華警局收用。當經商民探悉。羣起反對。

同 十三日

●特任羅佩金暫署四川督軍戴戡暫署四川省長仍兼會辦軍務……蔡鐸因病給假。

●廢止督徵經徵分徵官解款足額獎勵條例暨督徵經徵分徵官額外增加獎勵條例

同 十五日

●湖北土匪陷通山縣城……湖北通山崇陽等縣。土匪頗為猖獗。近日通山縣城。竟被匪攻陷。當經軍隊往剿。

同 十六日

●特任曹錕為直隸督軍

●任命徐謙為司法次長……原任江庸呈准免職。



同 十九日

●禁煙期滿申令嚴切進行……令曰。鴉片流毒。垂數十年。騰笑環球。重為國侮。有清之季。幸賴士庶之呼號。鄰邦之協助。訂期禁絕。限以十年。民國代興。厲行前政。禁種禁運禁吸。具有專條。有司考成。視為殿最。比年以來。中外會勘。差無訾議。萬國禁煙會。既聲明限制洋藥商業。各省又經後先停運。足見與國善意。望我富強。凡我國人。允宜急起直追。自前前恥。迺者訂約之期。本月屆滿。自今以往。時不再來。深虞猾吏舞文。奸商玩法。或託詞稽徵罰款。或私自存土運銷。陽假官符。陰揚毒餒。一隅橫潰。功敗垂成。是負友國之盛心。而失人民之責望。用特重申前令。著內務司法兩部。行知各該地方官吏。恪遵禁令。嚴切進行。其有犯種運售吸諸罪者。並由法庭從重懲治。仍責成教育部轉飭各講演社。編具淺說。悉力開導。俾得父誡其子。兄勉其弟。曉然利害。毋蹈刑章。本大總統為民除害。不憚煩苛。如有蔑視禁令者。惟有執法。以繩其後。不容遺孽再毒新邦。懷之毋忽。此令。